

**ՀՀ ԲԱՐՁՐ ՏԵԽՆՈԼՈԳԻԱԿԱՆ
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ
ԲԱՐՁՐ ՏԵԽՆՈԼՈԳԻԱՆԵՐԻ ՎԱՐՉՈՒԹՅԱՆ
ՊԵՏԻ ՊԱՐՏԱԿԱՆՈՒԹՅՈՒՆՆԵՐԸ
ԿԱՏԱՐՈՂ ՄԱՆԵ ՄԿՐՏՉՅԱՆԻՆ**

ՀԱՇՎԵՏՎՈՒԹՅՈՒՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ ԲԱՐՁՐ ՏԵԽՆՈԼՈԳԻԱՆԵՐԻ
ՎԱՐՉՈՒԹՅԱՆ ՓՈՐՁԱԳԵՏԻ ԿՈՂՄԻՑ 2025 ԹՎԱԿԱՆԻ ԱՊՐԻԼ-ՀՈՒՆԻՍ
ԱՄԻՍՆԵՐԻՆ ԻՐԱԿԱՆՑՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ**

Հաշվետու ժամանակահատվածում կատարել են հետևյալ աշխատանքները.

1. Հայաստանի բարձր տեխնոլոգիաների ոլորտի զարգացման ռազմավարական ծրագրի մշակման հետ կապված աշխատանքներ, մասնավորապես.

- Հայաստանի բարձր տեխնոլոգիաների ոլորտի զարգացման ռազմավարական ծրագրի 2-ից 6-րդ փուլերի աշխատանքների շարունակականության ապահովման նպատակով մշակել են համապատասխան իրավական ակտերի հիմնավորումներ՝ ռազմավարական ծրագրի մշակման աշխատանքները պետական բյուջեի միջոցներով ապահովելու նպատակով:
- Իրականացրել են շահագրգիռ կողմերի հետ նախնական քննարկումներ և համաձայնեցրել են ծառայությունների մատուցման արդյունքների ժամանակացույցը:
- ՀՀ կառավարության 2025 թվականի մայիսի 22-ի N 639-Ն որոշմամբ պետական բյուջեից համապատասխան միջոցների հատկացումից հետո աջակցել են Ծառայությունների մատուցման պայմանագրի կազմման գործընթացին, այդ թվում՝ պատրաստել են տեխնիկական բնութագիրը հայերեն լեզվով:
- Համագործակցել են «Ամերիա» ՓԲԸ-ի և կոնսորցիումի կազմում ընդգրկված՝ ծառայություններ մատուցող թիմի հետ՝ աշխատանքների անխափան ընթացքի ապահովման և շահակից կողմերի հետ տեղեկատվության փոխանակման և գործողությունների համակարգման նպատակով:

2. «Բարձր տեխնոլոգիաների ոլորտի պետական աջակցության մասին» օրենքի կիրարկումն ապահովող աշխատանքներ, մասնավորապես.

- Հայաստանի տեղեկատվական համակարգերի գործակալության թիմի հետ համագործակցությամբ՝ համակարգել են աշխատանքները՝ ապահովելու բարձր տեխնոլոգիաների ոլորտի պետական աջակցության 2025 թվականի 1-ին եռամսյակի հայտերի առցանց ներկայացման գործընթացը: Մասնավորապես՝ մասնակցել են բիզնես գործընթացի նախագծման աշխատանքներին, համակարգել և մասնակցել են Ծառայությունների ազգային հարթակում և աջակցության հայտերի ներկայացման համապատասխան էջերում հրապարակվող տեղեկատվության բովանդակության մշակմանը:
- Համակարգել են հայտերի ռեգիստրի ձևավորման և ամենօրյա թարմացման, հայտերի վարման, ստացված հայտերի առաջնային ստուգման աշխատանքները, կատարել են վիճակագրական վերլուծություններ, մշակել են գործընթացի վերաբերյալ այլ տեղեկատվական նյութեր:
- Ապահովել են համագործակցությունը Հայաստանի տեղեկատվական համակարգերի գործակալության թիմի, ինչպես նաև Պետական եկամուտների կոմիտեի (ՊԵԿ) պատասխանատուների հետ՝ նպատակ ունենալով 2025 թվականի 2-րդ եռամսյակից սկսած ներդնել ինքնաշխատ էլեկտրոնային համակարգ, որը կիրականացնի հայտերի ուսումնասիրությունը և պետական աջակցության տրամադրվելիք չափի հաշվարկը: Տրվել են համապատասխան տեխնիկական առաջադրանքներ և մեկնարկել են համակարգի մշակման աշխատանքները:

3. Գիտական հետազոտությունների և փորձարարական մշակումների (R&D) աշխատանքները որպես այդպիսին որակելու աշխատանքների գործընթացին աջակցություն.

- Կատարել են շահագրգիռ մարմինների, մասնավորապես, ՀՀ ԿԳՄՄՆ բարձրագույն կրթության և գիտության կոմիտեի հետ համագործակցության ապահովման, R&D աշխատանքները որպես այդպիսին որակելու 2025թ. 1-ին եռամսյակի հայտերի ընդունման գործընթացի վերաբերյալ շահառուներին համապատասխան տեղեկատվության տրամադրման և այլ աջակցող աշխատանքներ:

4. Համագործակցություն ոլորտի շահառու ասոցիացիաների և կազմակերպությունների հետ.

- Հաշվետու ժամանակահատվածում մասնակցել են ոլորտի շահառու ասոցիացիաների և կազմակերպությունների հետ մի շարք առերես և առցանց հանդիպումների և քննարկումների:
- Հանդիպումների ընթացքում շահառուներին ներկայացրել են «Բարձր տեխնոլոգիաների ոլորտի պետական աջակցության մասին» օրենքով, ինչպես նաև Հարկային օրենսգրքով բարձր տեխնոլոգիաների ոլորտի կազմակերպություններին և անհատ ձեռնարկատերերին տրամադրվող պետական աջակցության և հարկային արտոնությունների կարգավորումները, R&D աշխատանքները որպես այդպիսին որակման դեպքում կիրառվող հարկային արտոնությունների տրամադրման ընթացակարգերը:

5. Այլ աշխատանքներ

- Հավաքագրել, մշակել և նախարարության աշխատակիցներին տրամադրել են նրանց կողմից պահանջված տեղեկատվությունը:
- Պատասխանել են այլ պետական մարմիններից ստացված պաշտոնական գրություններին:
- Պատասխանել են ոլորտի կազմակերպությունների և քաղաքացիների կողմից ստացված գրավոր հարցումներին և դիմումներին:
- Պատասխանել են շահառու կազմակերպություններից և քաղաքացիներից ստացված հեռախոսազանգերին՝ տրամադրելով անհրաժեշտ խորհրդատվություն:
- Կատարել են մի շարք այլ ընթացիկ աշխատանքներ:


ԲՏ ՎԱՐՉՈՒԹՅԱՆ ՓՈՐՁԱԳԵՏ


Ստորագրություն

ԼՈՒՍԻՆԵ ԹՈՎՄԱՍՅԱՆ

«27» հունիս 2025թ.

Հաշվետու ժամանակաշրջանում կատարած աշխատանքները
գնահատում են « ցերացալեյ »


անմիջական ղեկավարի ստորագրություն

ՄԱՆԵ ՄԿՐՏՅԱՆ

«27» հունիս 2025թ.